

阿毘達磨大毘婆沙論卷第六十七

五百大阿羅漢等造
三藏法師玄奘奉 詔譯

結蘊第二中有情納息第三之五

藍字部分：《發智論卷五》釋論範圍

諸不還者-所成就無漏法，此法，不還果攝耶？

答：或攝，或不攝。義不定故。

云何攝？

答：有為、無為不還果，已得不失。

有為不還果者→謂：道類智等，或離欲染-第九解脫道等及彼眷屬。

無為不還果者→謂：三界-見所斷法斷，及欲界-修所斷法斷。

已得者→謂：信勝解已得，信勝解不還果攝種性諸根；見至已得，見至不還果攝種性諸根，及已得三界-見所斷法斷，并欲界-修所斷法斷。

不失者→謂：信勝解不轉根作見至，故不失信勝解不還果攝種性諸根，或不退失此及欲界-修所斷法斷。

云何不攝？

答：諸不還者-所得勝進無漏根等有為法，及彼所證諸結盡，并不還者-所成就非擇滅。

●諸不還者所得勝進無漏根等有為法者→謂：離初靜慮…乃至非想非非想處染，諸加行道-無間道、及有學-解脫道勝進道。如是無漏法，不還者雖成就，而非不還果所攝。以勝果道，非果攝故。

●及彼所證諸結盡者→謂：初靜慮…乃至無所有處-各九品修所斷法斷，及非想非非想處-前八品修所斷法斷，是勝果道所證斷故。如勝果道，非此果攝。

●并不還者所成就非擇滅者→謂：不還者，於三界及無漏法得非擇滅，彼雖成就此非擇滅，而此非擇滅，非不還果攝，所以者何？非擇滅是無記，不還果是善故。

設法-不還果攝，此是無漏法耶？

答：如是。謂：有為、無為不還果，俱是無漏故。

諸阿羅漢所成就無漏法，此法阿羅漢果攝耶？

答：或攝，或不攝。義不定故。

云何攝？

答：有為、無為阿羅漢果，已得不失。

有為阿羅漢果者→謂：盡智、無生智、無學正見及彼眷屬。

無為阿羅漢果者→謂：三界-見、修所斷法斷。

已得者→謂：時解脫已得，時解脫阿羅漢果攝種性諸根；不時解脫已得，不時解脫阿羅漢果攝種性諸根，及已得三界見、修所斷法斷。

不失者→謂：時解脫不轉根作不時解脫故，不失信勝解阿羅漢果攝種性諸根，或不退失此及三界-修所斷法斷。

云何不攝？

答：阿羅漢所成就非擇滅。謂：阿羅漢，於三界及無漏法得非擇滅，彼雖成就此非擇滅，而此非擇滅非阿羅漢果攝，所以者何？非擇滅是無記，阿羅漢果是善故。

設法-阿羅漢果攝，此是無漏法耶？

答：如是。謂：有為、無為阿羅漢果，俱是無漏故。

諸法-預流者成就，此法預流果攝耶？

答：應作四句。此成就果攝，互有寬、狹故。

①有法-預流者成就，非預流果攝。謂：預流者-所得勝進無漏根等有為法，及彼所證諸結盡，并預流者-所成就非擇滅有漏法。

此中有四法，前三如前說。

彼所成就有漏法者，總有三種：謂：善、染污、無覆無記。

善，復有二→謂：加行善及生得善。

染污→謂：三界-修所斷染法。

無覆無記→謂：威儀路、工巧處、異熟生。

如是諸法，預流者成就，非預流果攝。果唯無漏，此有漏故。

②有法-預流果攝，非預流者成就。謂：預流果，未得-已失。

未得者→謂：信勝解未得見至預流果攝種性諸根，及見至不得信勝解預流果攝種性諸根。

已失者→謂：信勝解轉根作見至故，失信勝解預流果攝種性諸根，或有退失。

③有法-預流者成就，亦預流果攝。謂：預流果，已得-不失。

應知此中，義如前說。

④有法-非預流者成就，亦非預流果攝。謂：除前相。

此中相聲，即名所表，謂：若法已稱、已說，名所表者，作前三句，此中除之；若法未稱、未說，名所表者，作第四句，此復云何？謂：善、染污、無覆無記。

善，有二種；謂：有漏及無漏。

有漏善者→謂：預流者所不成就加行、離染、生得善。

無漏善者→謂：預流者所不成就下位、上位一切聖道，及所未得上位擇滅。

染污者→謂：三界-見所斷染法，及預流者已斷欲界-修所斷染法。

無覆無記者→謂：預流者所不成就威儀路、工巧處、異熟生，及一切變化心等。

如是諸法，是第四句。

諸法一來者成就，此法一來果攝耶？

答：應作四句。此成就果攝，互有寬、狹故。

- ①有法-一來者成就，非一來果攝。謂：一來者-所得勝進、無漏根等有為法，及彼所證諸結盡，并一來者-所成就非擇滅有漏法。

此中有四法，前三如前說。

彼所成就有漏法者，總有三種。謂：善、染污、無覆無記。

善，復有二→謂：加行善及生得善。

染污→謂：欲界-後三品修所斷染法，及色、無色界-修所斷染法。

無覆無記→謂：威儀路、工巧處、異熟生。

如是諸法，一來者成就，非一來果攝。果唯無漏，此有漏故。

- ②有法-一來果攝，非一來者成就。謂：一來果，未得-已失。

未得者→謂：信勝解未得，見至一來果攝種性諸根，及見至不得，信勝解一來果攝種性諸根。

已失者→謂：信勝解轉根作見至故，失信勝解一來果攝種性諸根，或有退失。

- ③有法-一來者成就，亦一來果攝。謂：一來果，已得-不失。

應知此中，義如前說。

- ④有法-非一來者成就，亦非一來果攝。謂：除前相。

此中相聲，即名所表。謂：若法已稱、已說，名所表者，作前三句，此中除之；若法未稱、未說，名所表者，作第四句，此復云何？謂：善、染污、無覆無記。

善，有二種→謂：有漏及無漏。

有漏善者→謂：一來者所不成就加行、離染、生得善。

無漏善者→謂：一來者所不成就下位、上位一切聖道，及所未得上位擇滅。

染污者→謂：三界-見所斷染法，及一來者已斷欲界-修所斷染法。

無覆無記者→謂：一來者所不成就威儀路、工巧處、異熟生，及一切變化心等。

如是諸法，是第四句。

諸法-不還者成就，此法-不還果攝耶？

答：應作四句。此成就果攝，互有寬、狹故。

- ①有法-不還者成就，非不還果攝。謂：不還者-所得勝進、無漏根等有為法，及彼所證諸結盡，并不還者-所成就非擇滅有漏法。

此中有四法，前三如前說。

彼所成就有漏法者，總有三種：謂：善、染污、無覆無記。

善，復有三→謂：加行、離染、生得善。

染污→謂：色、無色界-修所斷染法。

無覆無記→謂：威儀路、工巧處、異熟生及變化心等。

如是諸法，不還者成就，非不還果攝。果唯無漏，此有漏故。

- ②有法-不還果攝，非不還者成就。謂：不還果，未得-已失。

未得者→謂：信勝解未得見至不還果攝種性諸根，及見至不得信勝解不還果攝種性諸根。

已失者→調：信勝解轉根作見至故，失信勝解不還果攝種性諸根，或有退失。

③有法-不還者成就，亦不還果攝。謂：不還果-已得，不失。

應知此中義如前說。

④有法-非不還者成就，亦非不還果攝。謂：除前相。

此中相聲，即名所表。謂：若法已稱，已說名所表者，作前三句，此中除之；若法未稱，未說名所表者，作第四句，此復云何？調：善、染污、無覆無記。

善，有二種：調有漏及無漏。

有漏善者→調：不還果所不成就加行、離染、生得善。

無漏善者→調：不還者所不成就下位、上位一切聖道，及所未得上位擇滅。

染污者→調：三界-見所斷染法，及欲界-修所斷染法。

無覆無記者→調：不還者所不成就威儀路、工巧處、異熟生及變化心等。如是諸法，是第四句。

諸法-阿羅漢成就，此法-阿羅漢果攝耶？

答：應作四句。此成就果攝，互有寬、狹故。

①有法-阿羅漢成就，非阿羅漢果攝。謂：阿羅漢所成就非擇滅有漏法。

彼所成就非擇滅者，如前廣說。

彼所成就有漏法者，總有二種：調善及無覆無記。

善，有三種→調：加行、離染、生得善。

無覆無記→調：威儀路、工巧處、異熟生及變化心等。

如是諸法，阿羅漢成就，非阿羅漢果攝。果唯無漏，此有漏故。

②有法-阿羅漢果攝，非阿羅漢成就。謂：阿羅漢果，未得-已失。

未得者→調：時解脫未得不時解脫阿羅漢果攝種性諸根，及不時解脫不得時解脫阿羅漢果攝種性諸根。

已失者→調：時解脫轉根作不時解脫故，失時解脫阿羅漢果攝種性諸根，或有退失。

③有法-阿羅漢成就，亦阿羅漢果攝。謂：阿羅漢果，已得-不失。

應知此中，義如前說。

④有法-非阿羅漢成就，亦非阿羅漢果攝。謂：除前相。

此中相聲，即名所表。謂：若法已稱，已說名所表者，作前三句，此中除之；若法未稱，未說名所表者，作第四句，此復云何？調：善、染污、無覆無記。

善，有二種→調：有漏及無漏。

有漏善者→調：阿羅漢所不成就加行、離染、生得善。

無漏善者→調：諸學法。

染污者→調：三界-見、修所斷染法。

無覆無記者→謂：阿羅漢**所不成就**威儀路、工巧處、異熟生及變化心等。
如是諸法，是第四句。

問：•信勝解為**轉根作**見至不？設爾！何失？二俱有過，所以者何？

•若信勝解**轉根作**見至者，後《根蘊》中，何故不說？

如彼說「若捨無漏根，得無漏根。彼皆從果至果耶？答：若從果至果，彼皆捨無漏根，得無漏根；有捨無漏根，得無漏根，**非從果至果**。」謂：現觀邊道類智-現在前時，及時解脫阿羅漢**練根作**不動時，此本論師，有何勞倦而不說？

•信勝解**練根作**見至時，若信勝解**不轉根作**見至者，此中所說，當云何通？

如此說：「有法預流果攝，非預流者成就。」謂：預流果，**未得-已失**。

若信勝解**不轉根作**見至者，如何「預流果，有**得已-而失**」耶？後《智蘊》說，復云何通？

•如彼說：「預流者於三三摩地未來皆成就過去，若**已滅-不失**，即成就現在；若現在前，即成就。若信勝解**不轉根作**見至者，如何預流者有三摩地**已滅-而失**？為簡彼故，說有**已滅**，而**不失**耶？《識身論》說，復云何通？

•如彼說：「有過去-無學心是-已了，非今了，非當了。」謂：時解脫阿羅漢**退阿羅漢果作**信勝解，彼**練根作**見至已，**還得**阿羅漢果。彼時解脫道所攝無學心。是已成就，非今成就，非當成就。彼於成就**施設了**聲，是已了者是已成就，非今了者非今成就，非當了者非當成就。

若信勝解**不轉根作**見至者，如何彼說「時解脫阿羅漢**退阿羅漢果作**信勝解，**練根作**見至**已還得**阿羅漢果」耶？

答：**應作是說**：有信勝解**轉根作**見至。

問：若爾！善通後所設難，後《根蘊》中，何故不說？

答：後《根蘊》中，**應作是說**：「有**捨**無漏根，**得**無漏根，**非從果至果**。」

謂：現觀邊道類智-現在前時，信勝解**練根作**見至時，退法等**練根作**思法等時，及時解脫**練根作**不動時。而**不作是說者**，有**別意趣**。謂：彼舉始、舉終，**影顯**中故說。

現觀邊道類智-現在前時者→即是舉始說

時解脫**練根作**不動時者→即是舉終。

由**舉始、終**，**影顯**中間。

有信勝解**練根作**見至時，若學位中**無**練根義，至無學位亦應如是。如學位中，無救護、無勢力，無學位中亦應爾。故**亦顯**~有退法等**轉根作**思法等。

如舉始、終如是，舉初入、已度、加行、究竟，應知亦爾。

尊者僧伽筏蘇說曰：信勝解**練根作**見至，即攝在《根蘊》所說中，即是從果至果攝故。謂：預流者，修習練根，加行道**已趣**一來果。若**得一**來果，即名**轉根**，**得果與轉根時**，**無差別**；若一來者，修習練根，加行道**已趣**不還果。若**得不還果**，即名**轉根**，**得果與轉根時**，**無差別**。

問：何故**無有得**預流果、阿羅漢果，即名練根？

彼作是答：**出過欲界**，是無始來數數舊法，**無一**有情於欲界染**未曾離**故，由此**得**有求轉根者，**倍離、全離**欲界染故，**得二果**時，亦即**轉根**。

出過有頂，非無始來數數舊法，無一有情於有頂染曾已離故，由此無有求轉根者，分離、全離有頂染故，得二果時，亦即轉根。

問：如汝所說「學位練根進，得二果，即是從果至果攝故，不別說者。無學位中有六種性，轉退法作思法…乃至轉安住作堪達時，後《根蘊》中，何故不說？但說「時解脫練根作不動」耶？

彼作是答：此亦攝在《根蘊》說中，所以者何？轉退法作思法時，不捨退法根而得思法根…乃至轉安住作堪達時，不捨前四根而得堪達根。若轉堪達作不動時，頓捨前五根得不動根故。彼但說「時解脫練根作不動時，捨無漏根得無漏根，非從果至果，不說轉退法等作思法等。

評曰：彼不應作是說，所以者何？尚無有一，成就二根，況有成就五品根者。又不還者，修習練根，加行道已，雖不能得阿羅漢果，何故不能轉作見至？諸異生輩，雖不得果，而有轉根；何緣聖者離得果時，無轉根義？離染轉根，加行各別，如何離染得二果時，亦即轉根？故後《根蘊》舉始、舉終，影顯中故，不說信勝解練根作見至，亦不說退法等練根作思法等。

有餘師說：無信勝解轉根作見至。

問：若爾！善通《根蘊》所說，此中所說，當云何通？如此說「有預流果，未得-已失。若信勝解不轉根作見至者，如何預流果有得已，而失耶？

彼於此中，有作是說：不成就-過去、未來得。

有作是說：有成就過去、未來得。

若作是說：「不成就過去、未來得」者，彼說：「預流果得，在未來名未得，在過去名已失，在現在名成就。」

若作是說：「有成就過去、未來得」者，彼說：「預流果，有三種：謂：下、中、上。

若初住下預流果時→於中、上預流果名未得；於下品預流果名成就，不應說已失，無所已失故。

若初住中預流果時→於上預流果名未得；於下預流果名已失，於中預流果名成就。

若初住上預流果時→於中、下預流果名已失，於上預流果名成就。不應說未得，無所未得故。」

問：若初住中預流果者，於下未得；若初住上預流果者，於中、下俱未得。如何說已失耶？

彼作是答：超過彼，故說名已失。謂：彼先時有可得義，今至勝位，已超過彼，更不可得，故名已失。

由斯理趣～雖信勝解無有轉根作見至者，而得說「預流果，有未得-已失」義。後《智蘊》說，復云何通？如彼說：「預流者，於三三摩地未來皆成就過去。若已滅-不失，即成就現在，若現在前，即成就。

若信勝解不轉根作見至者，如何預流者有三三摩地已滅而失，為簡彼故，說有已滅，而不失耶？

彼作是答：後《智蘊》中，應作是說：預流者，於三三摩地未來皆成就，過去已滅即成就，不應說不失，而說不失者，是誦者錯謬。

《識身論》說，復云何通？如彼說：「時解脫阿羅漢退阿羅漢果作信勝解，練根作見至已，還得阿羅漢果。」

彼作是答：我不能通《識身論》文，極明了故。

評曰：既不能通《識身論》說，又前損滅《智蘊》論文。雖通此文，亦不應理。故應信受有信勝解能轉根作見至。若有學位不能轉根，無學位中，亦應不轉。如有學位，無救護、無勢力；無學位中，亦應爾。

故尊者佛護作如是說：信勝解轉根作見至，有六事不共：

- 一者、在欲界，不在色、無色界。
- 二者、依靜慮，不依無色定。
- 三者、用無漏道，不用世俗道。
- 四者、用法智，不用類智。
- 五者、是已退，非未退。
- 六者、住果，非住勝果道。

問：彼何故在欲界，非在色、無色界耶？

彼作是答：由說法力方能轉根，唯欲界中有說者故。

問：彼何故依靜慮，不依無色定耶？

彼作是答：學位、練根要依得果地，無依無色定得學果者，故學轉根不依無色。

問：彼何故用無漏道，不用世俗道耶？

彼作是答：要猛利道，方能轉根；世俗道鈍，故彼不用。

問：彼何故唯用法智，不用類智？

彼作是答：要生欲界，方能轉根。欲界唯得法智自在，故彼不用類智轉根。

問：彼何故是已退者，非未退者？

彼作是答：厭患退者方求練根，要曾退已而有厭患，故未退者無轉根義。

問：彼何故住果，非住勝果道？

彼作是答：若住勝果道而練根者，應練根時，捨多道，得少道，彼應名退，不名為進。故唯住果有轉根義，以練根時唯得果故。（住果→練根→得果）

勝果道：

指趣向勝果之道，即望勝上之果而欲趣求之道。又稱勝勝道、勝道。四果之中，除阿羅漢果外，其餘三者皆有勝上之果可求，故得果以後必更趣求之，稱為「勝果道」。如一來向、不還向、阿羅漢向等之向道，即為趣至一來果、不還果、阿羅漢果等勝果之道；以其勝於前之果位，且更趣向後之果位，故稱「勝果道」。〔大毘婆沙論卷六十六、卷一七一、俱舍論卷二十三、卷二十五〕

阿毘達磨諸論師言：學-轉根時，於彼六事，三事應理，三事不可。

調彼所說：學位轉根在欲界，非在色、無色界者，此事應理，唯欲界有轉根義故。

又彼所說：彼依靜慮，不依無色定者，此亦應理。唯依靜慮得學果故。

又彼所說：彼用無漏道，不用世俗道者，此亦應理。學位、練根，如見道故。

然彼所言：彼用法智，不用類智者，此事不可，所以者何？義不定故。調：生欲界，或有於法智得自在，非類智；或有於類智得自在，非法智故。

又彼所言：是已退者，非未退者，此亦不可，所以者何？義不定故。調：或已退，或復未退，然！怖畏退或求勝根，而練根故。

又彼所言：彼住果，非住勝果道者，此亦不可。所以者何？義不定故。調：學-練根，或住果位，或住勝果道-求利根故，或畏退故。

問：若住勝果道而轉根者，捨多道得少道，豈非退耶？

答：彼求利根，不求多道，故無有失。如多銅、鐵，買少金、銀，豈名失利？

問：於欲界內，何處轉根？為但人中？為亦天上？

答：唯在人中受教，勝故，又畏退故。

問：人四洲內，何處轉根？

尊者賽沙筏摩說曰：唯瞻部洲有轉根義，瞻部洲人根猛利故。

評曰：應作是說：人三洲內，皆得轉根，除北俱盧，無勝德故。

問：為依男身有轉根義？為亦依女？

有作是說：唯依男身，有轉根義。男身功德勝女人故。

評曰：應作是說：諸轉根者，亦依男身，亦依女身。以依女身，亦能發起勝功德故。

問：隨依何地？先得學果，後即依彼而轉根耶？

有說：即依彼學者轉根，亦有依餘地，然勝，非劣。

調：初、二果依未至定得果，轉根不依餘地。

若不還果依彼地得，即依彼地而後轉根，或依餘地，然！勝，非劣。

諸不還者極少成就三地果，極多成就六地果。

調次第者：

離欲界染-第九解脫道時，彼成就三地不還果。即未至定、初靜慮及靜慮中間。

●若已離欲染：

●即依此三地入正性離生者，彼道類智時，亦即成就此三地不還果。

●若依第二靜慮入正性離生者，彼道類智時，成就四地不還果。調：前三地及第二靜慮。

●若依第三靜慮入正性離生者，彼道類智時，成就五地不還果。謂：前四地及第三靜慮。

●若依第四靜慮入正性離生者，彼道類智時，成就六地不還果。謂：前五地及第四靜慮。

已離欲界染，入正性離生								
各 地	例一		例二		例三		例四	
	入正性離生	道類智時	入正性離生	道類智時	入正性離生	道類智時	入正性離生	道類智時
未至定	所依地	成就三地不還果		成就四地不還果		成就五地不還果		成就六地不還果
初靜慮								
靜慮中間								
第二靜慮			所依地					
第三靜慮					所依地			
第四靜慮							所依地	

○依初三地，得不還果已：

●即依此三地而轉根者，彼捨三地不還果，得三地不還果。

●即彼若依第二靜慮而轉根者，彼捨三地不還果，得四地不還果。

●即彼若依第三靜慮而轉根者，彼捨三地不還果，得五地不還果。

●即彼若依第四靜慮而轉根者，彼捨三地不還果，得六地不還果。

【轉根】已離欲界染，依初三地，得不還果已								
各 地	例一		例二		例三		例四	
	轉根	捨、得	轉根	捨、得	轉根	捨、得	轉根	捨、得
未至定	所依地	捨三地不還果，得三地不還果		捨三地不還果，得四地不還果		捨三地不還果，得五地不還果		捨三地不還果，得六地不還果
初靜慮								
靜慮中間								
第二靜慮			所依地					
第三靜慮					所依地			
第四靜慮							所依地	

○若依第二靜慮，得不還果已：

●即依第二靜慮而轉根者，彼捨四地不還果，得四地不還果。

●即彼若依第三靜慮而轉根者，彼捨四地不還果，得五地不還果。

●即彼若依第四靜慮而轉根者，彼捨四地不還果，得六地不還果。

【轉根】已離欲界染，若依第二靜慮，得不還果已						
各 地	例一		例二		例三	
	轉根	捨、得	轉根	捨、得	轉根	捨、得
未至定		捨四地不還果，得四地不還果		捨四地不還果，得五地不還果		捨四地不還果，得六地不還果
初靜慮						
靜慮中間						
第二靜慮	所依地					
第三靜慮			所依地			
第四靜慮					所依地	

○若依第三靜慮，得不還果已：

●即依第三靜慮而轉根者，彼捨五地不還果，得五地不還果。

●即彼若依第四靜慮而轉根者，彼捨五地不還果，得六地不還果。

【轉根】已離欲界染，若依第三靜慮得不還果已				
各 地	例一		例二	
	轉根	捨、得	轉根	捨、得
未至定				

初靜慮		捨五地不還果，得五地不還果		捨五地不還果，得六地不還果
靜慮中間				
第二靜慮				
第三靜慮	所依地			
第四靜慮			所依地	

○若依第四靜慮，得不還果已：

●即依第四靜慮而轉根者，彼捨六地不還果，得六地不還果。

【轉根】已離欲界染，若依第三靜慮得不還果已		
各 地	例一	
	轉根	捨、得
未至定		捨六地不還果， 得六地不還果
初靜慮		
靜慮中間		
第二靜慮		
第三靜慮		
第四靜慮	所依地	

無-依上地得不還果，後依下地而轉根者，所以者何？勿捨多道得少道故，應名損減，不名增益。

或有說者：有依上地得不還果，後依下地而轉根者。

彼作是說：

○依第四靜慮，得不還果已：

●若依第三靜慮而轉根者，彼捨六地不還果，得五地不還果。

●即彼若依第二靜慮而轉根者，彼捨六地不還果，得四地不還果。

●即彼若依初靜慮等三地而轉根者，彼捨六地不還果，得三地不還果。

○依第三靜慮，得不還果已：

●若依第二靜慮而轉根者，彼捨五地不還果，得四地不還果。

●即彼若依初靜慮等三地而轉根者，彼捨五地不還果，得三地不還果。

○依第二靜慮，得不還果已：

●若依初靜慮等三地而轉根者，彼捨四地不還果，得三地不還果。

此中但說：與前異者，依自、上地，而轉根者，捨、得多少，如前應知。

問：若依上地得不還果，後依下地而轉根者，既捨多道，得少道故，應名損減，豈是增益？

答：彼求利根，不求多道，捨多得少，亦無有過。如多賤貨，買少貴珍，乃名增益，不名損減，依果說已。

若依道說…

○諸不還者：

●未離初靜慮染→若依初靜慮等三地而轉根者，彼捨三地聖道，得三地聖道。

●已離初靜慮染，未離第二靜慮染→若依初靜慮等三地而轉根者，彼捨四地聖道，得三地聖道。

●已離第二靜慮染，未離第三靜慮染→若依初靜慮等三地而轉根者，彼捨五地聖道，得三地聖道。

❖已離第三靜慮染，未離第四靜慮染→若依初靜慮等三地而轉根者，彼捨六地聖道，得三地聖道。
 ❖已離第四靜慮染，未離空無邊處染→若依初靜慮等三地而轉根者，彼捨七地聖道，得三地聖道。
 ❖已離空無邊處染，未離識無邊處染→若依初靜慮等三地而轉根者，彼捨八地聖道，得三地聖道。
 ❖已離識無邊處染→若依初靜慮等三地而轉根者，彼捨九地聖道，得三地聖道。
 ❖未離第二靜慮染→若依第二靜慮而轉根者，彼捨四地聖道，得四地聖道。
 ❖已離第二靜慮染，未離第三靜慮染→若依第二靜慮而轉根者，彼捨五地聖道，得四地聖道。
 ❖…乃至已離識無邊處染→若依第二靜慮而轉根者，彼捨九地聖道，得四地聖道。
 ❖未離第三靜慮染→若依第三靜慮而轉根者，彼捨五地聖道，得五地聖道。
 ❖已離第三靜慮染，未離第四靜慮染→若依第三靜慮而轉根者，彼捨六地聖道，得五地聖道。
 ❖…乃至已離識無邊處染→若依第三靜慮而轉根者，彼捨九地聖道，得五地聖道。
 ❖未離第四靜慮染→若依第四靜慮而轉根者，彼捨六地聖道，得六地聖道。
 ❖已離第四靜慮染，未離空無邊處染→若依第四靜慮而轉根者，彼捨七地聖道，得六地聖道。
 ❖…乃至已離識無邊處染→若依第四靜慮而轉根者，彼捨九地聖道，得六地聖道。
 已離初靜慮等染，若依第二靜慮等而轉根者，捨、得多少，如理應思。無依無色而轉根者，學果不依無色定故。應作是說：「若於上地已得自在，而依下地學轉根等，亦得上地無漏果道。」
 然！轉根時，不得無色，彼定無有不還果故。此中應作【頗】、【設】、【問】、【答】。

頗有聖者，捨九地聖道，得六地聖道，而名為進，不名退耶？

答：有！謂：已離識無邊處染，信勝解依第四靜慮而轉根時。

頗有聖者，已離無所有處染而但成就一地聖道耶？

答：有！謂：已離無所有處染。依未至定入正性離生，彼見道中十五心頃。

頗有不還者，已離無所有處染，唯成就三地無漏果道耶？

答：有！謂：已離無所有處染，信勝解於上地，不得自在。依未至定，或初靜慮，或靜慮中間轉根作見至時。

頗有身證者，不成就無漏-無色定耶？

答：有！謂：身證、信勝解轉根作見至時。